



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj:10-01-18815/25

Sarajevo, 12.05.2025. godine

Na osnovu čl. 4. i 22. Zakona o izvršavanju Budžeta Kantona Sarajevo za 2025. godinu ("Službene novine Kantona Sarajevo", broj: 13/25), čl. 9., 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22), Odluke Vlade Kantona Sarajevo o usvajanju Programa utroška sredstava Ministarstva zdravstva Kantona Sarajevo za 2025. godinu, broj 02-04-15840-14/25 od 24.04.2025. godine, Ministar zdravstva Kantona Sarajevo objavljuje:

Javni poziv

za sufinansiranje organiziranja naučnih skupova i edukacija iz oblasti zdravstva u 2025. godini

I PREDMET JAVNOG POZIVA

(1) Predmet ovog javnog poziva je podnošenje prijava za dodjelu sredstava za sufinansiranje organiziranja naučnih skupova i edukacija iz oblasti zdravstva u 2025. godini (u daljem tekstu: Javni poziv).

(2) Sredstva za realizaciju po osnovu Javnog poziva osigurana su u Budžetu Kantona Sarajevo za 2025. godinu, na razdjelu Ministarstva zdravstva Kantona Sarajevo u ukupnom iznosu od 180.000,00 KM.

(3) Od iznosa iz stava (2) ukupno do 30% sredstava može biti izdvojeno za finansiranje i sufinansiranje administrativnih troškova. Maksimalan iznos sredstava koji se može dodijeliti po naučnom skupu/edukaciji: 10.000,00 KM.

II PRAVO PRIJAVE NA JAVNI POZIV

Pravo prijave na Javni poziv imaju neprofitne organizacije koje za sredstva Budžeta apliciraju u svrhu finansiranja/sufinansiranja naučnih skupova i edukacije iz oblasti zdravstva u 2025. godini, a koji će biti realizirani/održani nakon objave ovog Javnog poziva, pod uslovom da ispunjavaju opće i posebne kriterije iz navedenog javnog poziva.



III KRITERIJI ZA DODJELU SREDSTAVA

OPŠTI KRITERIJI – potrebna dokumentacija:

- a) popunjen obrazac prijave za finansiranje/sufinansiranje naučnih skupova i edukacija iz oblasti zdravstva (potpisan i ovjeren od strane ovlaštenog lica), sa popisom priloga dostavljene dokumentacije (naziv naučnih skupova i edukacija iz oblasti zdravstva sa obavezanim opisom potreba, kratak opis naučnog skupa/edukacije, troškovi procjene naučnog skupa/edukacije, ciljevi, ciljne grupe, plan realizacije naučnog skupa/edukacije, lokacija naučnog skupa/edukacije, trajanje naučnog skupa/ edukacije);
- b) aktuelni izvod iz registra udruženja na bilo kojem nivou vlasti u Bosni i Hercegovini, a čije je sjedište u Kantonu Sarajevo (ovjerena kopija kod nadležnog organa (sud, notar, općina) čiji original ne smije biti stariji od tri mjeseca);
- c) izjavu ovjerenu od strane nadležnog organa o uredno ispunjenjima obavezama iz svih prethodno zaključenih ugovora o finansiranju i sufinansiranju budžetskih sredstava; ukoliko nisu ranije dodijeljena sredstva za finansiranje i sufinansiranje potrebno je o tome dostaviti izjavu (izjava mora biti ovjerena od strane nadležnog organa - sud, notar, općina);
- d) izjava da se protiv podnosioca prijave, odnosno lica ovlaštenih za zastupanje i voditelja naučnih skupova i edukacija, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (potpisana od ovlaštenog lica, ovjerena pečatom aplikanta i ovjerena kod nadležnog organa- sud, notar, općina);
- e) uvjerenje o poreskoj registraciji - identifikacioni broj za pravno lice (dostaviti ovjerenu kopiju kod nadležnog organa sud, notar, općina- ne stariju od tri mjeseca);
- f) potvrda poslovne banke da račun nije blokiran iz kojeg se vidi broj transakcijskog računa (ne starija od tri mjeseca);
- g) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata, razrađen po izvorima finansiranja;
- h) uvjerenje od porezne uprave o izmirenim poreznim obavezama (ne starije od tri mjeseca o izmirenim porezima i doprinosima za zaposlene, ukoliko ima zaposlenih; udruženje koje nema uposlenih i neizmirenih obaveza treba dostaviti ovjerenu izjavu kod nadležnog organa da nema uposlenih i neizmirenih obaveza kojom to potvrđuje) - ne starije od tri mjeseca;
- i) interni akt kojim je uspostavljen model dobrog finansijskog upravljanja, i kontrola u skladu sa Zakonom o finansijskom upravljanju i kontroli u javnom sektoru u FBiH ("Službene novine FBiH", broj: 38/16) način sprječavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl., za podnosioc



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

prijava koji su neprofitne organizacije, a na koje je preneseno javno ovlaštenje Ukoliko se ne radi o udruženju na koje je preneseno javno ovlaštenje u skladu sa naprijed navedenim, potrebno je da o tome dostavite izjavu, ovjerenu od strane nadležnog organa.

2. POSEBNI KRITERIJI – potrebna dokumentacija:

Opis naučnih skupova i edukacija (maksimalno dvije stranice) koji obavezno sadrži:

- naziv i vrsta naučnih skupova/ edukacija iz oblasti zdravstva (kongres, simpozij i sl.);
- ciljevi i ciljne grupe edukacije;
- plan realizacije naučnih skupova i edukacija iz oblasti zdravstva sa naročitim osvrtom na kvalitet planiranih aktivnosti i metode provođenja koje su usko usmjereni za prevenciju, očuvanje i unapređenje zdravlja stanovništva Kantona Sarajevo;
- mjesto (lokacija) realizacije naučnih skupova i edukacija iz oblasti zdravstva, trajanje naučnih skupova i edukacija, očekivani broj učesnika i osoblje koje će realizirati aktivnosti naučnih skupova;
- kratak opis dosadašnjeg iskustva podnosioca u provođenju istih ili sličnih naučnih skupova i edukacija iz oblasti zdravstva;
- očekivani utjecaj i ishodi naučnih skupova i edukacija, odnosno koje promjene se očekuju u toku i nakon provođenja naučnih skupova i edukacija;
- da naučni skupovi i edukacija doprinose popularizaciji prevencije, očuvanje i unapređenje zdravlja stanovništva Kantona Sarajevo.

Kriteriji za dodjelu sredstava su:

1. VRSTA NAUČNOG SKUPA I EDUKACIJE

- kongres - 6 bodova,
- simpozijum - 4 boda,
- okrugli sto - 3 boda,
- kontinuirana edukacija - 2 boda,
- ostalo - 1 bod.

2. BROJ UČESNIKA NA NAUČNOM SKUPU I EDUKACIJI

- preko 300 učesnika - 5 bodova,
- 150-300 učesnika - 4 boda,
- 100-150 učesnika - 3 boda,
- 50- 100 učesnika - 2 boda,
- do 50 učesnika - 1 bod.

3. TRAJANJE NAUČNOG SKUPA I EDUKACIJE

- 2 dana - 4 boda,
- 1 dan - 2 boda.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

4. MEĐUNARODNO UČEŠĆE

- naučni skupovi i edukacija sa međunarodnim učešćem - 4 boda,
- učešće na naučnom skupu i edukaciji bez međunarodnog učešća - 2 boda.

5. RASPON BODOVA

- 6 - 7 = 1.500 KM
- 8 – 11 = 3.000 KM
- 12 -15 = 6.000 KM
- 16 i više = 10.000 KM

IV ROK I NAČIN PODNOŠENJA PRIJAVE NA JAVNI POZIV

1. Krajnji rok za podnošenje prijave je 15 kalendarskih dana od dana posljednje objave Javnog poziva. Javni oglas/sažetak će biti objavljen u dnevnim novinama – "Dnevni Avaz" i na web stranici Ministarstva zdravstva Kantona Sarajevo : www.mz.ks.gov.ba.

2. Prijava na Javni poziv podnosi se na propisanom obrascu. Obrazac za prijavu projekta za finansiranje/sufinansiranje iz Budžeta Kantona Sarajevo sa popisom priloga, Obrazac narativnog i finansijskog izvještaja i Izjava ovlaštenog lica ponosioca prijave objavljeni su na web stranici Ministarstva zdravstva Kantona Sarajevo: www.mz.ks.gov.ba, a mogu se i lično preuzeti na šalter sali u zgradi Kantona Sarajevo ul. Reisa Džemaludina Čauševića broj 1, Sarajevo.

3. Prijava sa odgovarajućom dokumentacijom podnosi se u zatvorenoj koverti na čijoj poledini je obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo ili poštom na adresu:

MINISTARSTVO ZDRAVSTVA KANTONA SARAJEVO

Ulica Reisa Džemaludina Čauševića br. 1

71 000 Sarajevo

JAVNI POZIV

sa naznakom:

Prijava na Javni poziv za sufinansiranje organiziranja naučnih skupova i edukacija iz oblasti zdravstva u 2025. godini

(Ne otvaraj)

V OPŠTE ODREDBE

1. Rukovodilac davaoca sredstava imenovat će Komisiju za provođenje Javnog poziva. U skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21 i 13/22) predsjednik, članovi Komisije i sekretar će prije početka rada potpisati izjavu o nepristrasnosti, povjerljivosti i nepostojanju sukoba interesa, odnosno da su upoznati sa



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

obavezom da tokom cijelog postupka rada u komisiji prijave mogući sukob interesa i traže isključenje iz rada komisije. Osim osnova iz stava (3) člana 11. Uredbe, rukovodilac davaoca sredstava će, ukoliko smatra osnovanim i uputnim i iz drugih razloga koji za posljedicu mogu imati pristrasno odlučivanje i razmatranje pristiglih prijava, isključiti predsjednika, člana, odnosno sekretara Komisije za kojeg utvrdi da postoji sukob interesa, u cilju sprečavanja sukoba interesa osoba uključenih u postupak dodjele sredstava.

2. Komisija imenovana od strane rukovodioca davaoca sredstava izvršit će pregled, odnosno, razmatranje pristiglih prijava na Javni poziv, utvrđivanje liste naučnih skupova i edukacija koji ispunjavaju uslove za dodjelu sredstava sa razdjela Ministarstva zdravstva KS, koja će biti objavljena na web stranici davaoca sredstava, te na osnovu zbirne liste ocijenjenih prijava izraditi prijedlog odluke o dodjeli transfera.
3. Davalac sredstava će obavijestiti pismeno podnosiocima čije prijave nisu prihvaćene u roku od 15 dana od dana objavljivanja rezultata. Podnosioci prijave imaju pravo na izjavljivanje prigovora rukovodiocu davaoca sredstava, u roku od sedam dana (7) dana od dana dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko je prijava na javni poziv odbijena kao nepotpuna, neblagovremena.
4. Za finansiranje/sufinansiranje realizacije odobrenih naučnih skupova i edukacija zaključit će se pojedinačni ugovori kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, način i rokove izvještavanja, neprihvatljivi troškovi koji se ne mogu finansirati/sufinansirati dodijeljenim sredstvima i dr.
5. Doznačavanje odobrenih sredstava aplikantima vrši se nakon zaključenja Ugovora o dodjeli transfera za finansiranje i sufinansiranje naučnih skupova i edukacija, a u skladu sa operativnim planom i Odlukom o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva zdravstva Kantona Sarajevo za 2025. godinu.
6. Sredstva odobrena po osnovu Javnog poziva moraju se iskoristiti za realizaciju kandidovanih naučnih skupova i edukacija pri čemu se korisnik sredstava mora pridržavati važećih propisa.
7. Korisnici sredstava dužni su dostaviti Ministarstvu izvještaj o namjenskom utrošku sredstava doznačenih iz Budžeta Kantona Sarajevo u roku od 30 dana od dana realizacije naučnih skupova i edukacija, sa odgovarajućom dokumentacijom, a najkasnije do 31. 01. 2026. godine. Izvještaj se dostavlja na propisanom Obrascu narativnog i finansijskog izvještaja koji je sastavni dio ovog Javnog poziva.
8. Primaoci finansijskih sredstava za realizaciju naučnih skupova i edukacija koji nisu dostavili narativni i finansijski izvještaj o utrošku sredstava za odobrene naučne skupove i edukacije za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za naučne skupove i edukacije, ne mogu biti prihvaćeni za finansiranje naučnih skupova i edukacija.

NAPOMENE:



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

Prihvatljivi troškovi - troškovi proistekli u skladu sa organizacijom naučnih skupova i edukacija.

Neprihvatljivi troškovi -- troškovi zaposlenika (plaće), kamate na dug, kazne, troškovi sudskog spora, bankovni troškovi, trošak police osiguranja, gubici i sl.

Neblagovremene, nepotpune prijave kao i prijave bez naznačene vrste naučnog skupa i edukacije, broja učesnika na naučnom skupu i edukaciji, trajanja naučnog skupa i edukacije, međunarodnog učešća-radova, neće biti predmet razmatranja po ovom Javnom pozivu.

Za sve dodatne informacije možete se obratiti Ministarstvu zdravstva Kantona Sarajevo na tel. 033/562-106. Kontakt osoba - Sabina Tufo.

MINISTAR
Prim. mr sci. dr med. Emir Hasanović